

Terno manuŝ izloŝimo baŝo nasilstvo ki jek paŝe ralacija

Nasilstvo ki jek paŝe ralacija ŝaj te oven buteder buča. Odova ŝaj te ovel disavo var keda džiko sar daj-dad izloŝinela ko asavko diso jekhe čhave. Disavo var odova ŝaj te kerel džiko taro phenja-phralja. Disavo var ŝaj te ovel disavo javer manuŝ tari familija. Odova ŝaj te ovel odova manuŝ kasaja tu so dživdineja. O nasilstvo ŝaj te ovel, psihikano, fizikano ja pale seksualikano. Odova ŝaj te ovel keda džiko:

- Akharela/vikinela tut bilače hem džungale anavea ja pale keda džiko vakerela tuke kaj na sian ŝukar hem kaj sian pharo
- Gurinela, khuvela, khuvela tut tepna ja pale dukhavela tut ko javer čhani (način)
- Kontrolirinela tut hem ograničinelatut, čhivela tut te kere buča so tu na mangea
- Pretinela kaj ka bičhalel tut ko drumo, kaj ka ferdel tut taro kher ja pale kaj ka phandel tut khere
- Čhivela tut te kere diso seksualikane
- Čhivela tut te ikere tut ko disave pravilija či te arakhe e familjakoro muj
- Koristinela nasilstvo premal javer džiko tari familija

Tut isi pravo baŝo arakhibe hem podrška (pikodejbe)

Odova i obično te ovel pe ki dar hem te ovel pe tužno keda manuŝ i čhivdo ko nasilstvo. Tegani i važno te vakerel pe džikasaja baŝo odova, džiko so ŝunela hem so ŝaj te pomožinel. Keda džiko soj tikneder taro 18 berŝ hem i izloŝimo baŝo nasilstvo tegani o bare manuŝa i odgovorno baŝo odova. Ko socijalno ŝaj dela pe tuke podrška, arakhiba hem praktikane buča.

Šaj dela pe tuke pomoč baŝo:

- Podržiaskoro vakeribe
- Arakhibe hem privremeno beŝibaskoro kher
- Podržiaskoro vakeribe tle familiaja kaj te ŝaj te del pe olenge pomoč te keren buti ple konfliktencar

Kontaktirin amen te ŝaj te pomožina tut. Te mangljan tu ŝaj te ove anonimno hem na trebela te vakere tlo anav ja pale kori beŝeja.

Ko akutno opasnost telefonirin 112.

Kontaktirin:

- **Butikeribet:** Barn och ungdomsenhetens mottagningsgrupp
- **Telefoneskoro broj:** 08-58169000
- **Kherutnirig:** www.upplands-bro.se
- **Avibaskiri adresa:** Furuhällsplan 1, Kungsängen

O čhave so doživinena nasilstvo ki jek paše ralacija

Te doživinel pe e nasilstvo značinela kaj:

- Manuš ovela izložimo bašo nasilje (sar soj khuvibe, guribe, seksualikano nasilstvo, trakasiribe hem pretibe bašo osečajno odbibe)
- Te dikhel pe ja te doživinel pe nasilstvo
- Te dikhel pe o nišanija taro nasilstvo (ko primer modrice, phage buča, dar)
- Te osetinel pe i atmosfera khere

Buteder taro čhave i svesna so ovela ko familije mada o pašutne manuša na pačana odova. O čhave dikhena sigate keda džiko taro pašutne manuša nane olenge šukar, ama ola na vakerena uvek bašo ple osečaja. Keda jekhe čhaveske nane šukar ja pale isi ole nemir, odova šaj dikhela pe ko kheliba ja pale ko jek javer način prema oleskoro ikeribe.

Ker jek darakiri prijava

Sumnineja kaj disave čhaveske nae šukar? Ker tegani jek darakiri prijava ko socijalno servis. O sicijalno servis kontrolirinela i situacija, dela vakeribaskiri podrška hem lela merke te trebindža.

O manuša ko disave profesije i dužna palo o zakoni te keren darakiri prijava. Odova važinela tuke so kereja buti ko primer ki škola, nasvalipaskoro arakhibe ja pale ki policija.

Podrška (pikodejbe) hem pomoč okole čhavage so doživinena nasilstvo

Ko socijalno servisi šaj dela pe pomoč e čhaveske hem oleskere/olakere familijake. Ko primer:

- Podržibaskoro (pikodejbaskoro) vakeribe
- Grupno aktiviteti čhavage
- Podržibe e dajake-dadeske bašo e čhaveskoro šukaripe
- Kontaktiribaskoro dženo ja pale kontaktiribaskiri familija
- Javer merke te uli i situacija phari, ko primer dežurno kher

Ko akutno opasnost telefonirin 112.

Kontaktirin:

- **Butikeribet:** Barn och ungdomsenhetens mottagningsgrupp
- **Telefoneskoro broj:** 08-58169000
- **Kherutnirig:** www.upplands-bro.se
- **Avibaskiri adresa:** Furuhällsplan 1, Kungsängen